



۱۱ ایلون سنه ۱۳۳۵

۱۶ زی ۱۳۳۵

{ منافع عامه به مزادیم مجموعہ اسلامیه در }

احمد شیرانی	اخلاق عمومیه نك صلاح و فسادنده معارف نظارت نك تأثیری
طاہر المولوی	جاهلیت دورنده علم انساب
محمد امین	انواع اخلاق: قناعت، جسارت، ثبات
علامہ الدین روحی	ازدواج
حافظ باقی	مغلوبیت مزی دینسزلک و عدم تسروده آرمالی یز ...
صادق خلوصی	بکای تأثر
...	بروسه دن بر مکتوب

فیثانی (۵) فروشدر

محل اداره : فاتح — اعتصام

۱۳۳۴

کوره چکنز . هر دلو موفقیته ، مظهریتک آناختاری ثباتدر ، غیرتدر . جناب
حق سعی و ثباتی انسانره شرط اوله رق امر بیورمش ، بر سئیده ثبات اولمزه
اواکسی دنیله من . انسان یاپه جی ایشده وفق اوله ماسه دخی بیه ثبات ایدرسه
نتیجه ده آز چوق برشی قرانه بیایر ، تاریخی قاریشداره رق وقوعات ماضیه یی کوزدن
کپی رسه که بر چوق نتیجه لر ثباتدن تولد ایتشد ، ثبات اوله بر قلمه درکه ضبط
و تسخیر اوله ماز . هر یرده ؛ هر ایشده ؛ هر نقطه ده ثبات واجبدر . اقدام و ثبات
بتون موفقیته لک آناختا ویدر . بر صنعتکار مقصدینه وصول ایچون نه قدر عناد و ثبات
ایدرسه او قدر بیوک خارقلر ؛ موفقیته لر حاصل اولور . بونک مثالی پک چوقدر .
بالعکس بر شیده ثبات ایتهرک بشقه بشقه مقصدلره یایشان دایما محرومیتلره گرفتار
اولور . هیچ برینک نتیجه سنه واصل اوله ماز . ایشته بزمک بیوک نقصانز ثباتسزلغمزدر .
انسان بیودیایر کن هانکی مسالکه ، هر هانکی صنفه کندیسینده فطری بر قابلیت
نمایا ایه ، ولیسی ، هر بیسی طرفدن انک خلقی ایجاباتی اوله رق ارمسلکه سوق
ضروریدر . چونکه کولکده آرزو ، فطرته استعداد بولمزه بشقه بر صنعت
و مسالکه و اونی ده بجرم مامک خوفیه دیگر بر صنعت طوغری متردد خطوه لر ایله
یوررکن کیرد دونمک مجبورتی انسانلری دایما موفقیتمزلک ایله پریشان و بد بخت
ایدر . بونک ایچون انسان هر هانکی صنعتده و هر هانکی مسالکه بولنورسه بولسون ،
مطلقا نتیجه مقصوده واصل اولایه عزم ایتک لازمدر . ثبات بروظیفه درکه انسانلرک
اخلاقه حقیقه بیوک تأثیر اجرا ایدر .

ادرنه : سلطان جامع شرقی خطیبی

حافظ محمد امین

اجتماعی درد لرزدن :

ازدواج

هر فرد ، محاطی بولندینی محیطنک عادات و عینله رینه آز چوق مربوطدر .
یزده ، کتاب سنت و اجماعه صراحتی اولیان عاداته بدعت اطلاق اولنوب بوده ،

موضوع و غایه‌ی نه کوره بدعت حسنه و بدعت قبیحه قسم‌بینه منقسم بولنیور .
 بدعت حسنه‌ی ، عقل و منطقه موافق ، عقول سلیمه اصحابیجه مقبول عادات ،
 بدعت قبیحه‌ی ده ؛ عکس مآل اوله‌رق تعریف ایده‌لیرز . بو تعهیددن مقصدم ، اک
 مهم درد اجتماعیمزدن اولان ازدواجه تعاس ایله اولنک بر مقدمه‌سی بر نبذه‌جک
 تشریح ایتکدر .

زده ، ازدواج ؛ دنیانجه معلومدرکه ؛ شکل خارجیسی ، ذهنه شو صفحه‌ده تمثیل
 وارکسام ایدر: حد بلوغنه ایریشمش بر ارکک ، ابونک ویاخود - دهامترقی بر
 محیطده ایسه - اوصافی ایشیتیمک طریقیه بالذات ارککک ، مناسب کوره‌جکی بر
 قیز آرامق ، طرفین موافقت ایدرسه ؛ بر عقد مخصوص ایله ارککک وقیزکک طالع
 حیاتلری یکدیگرینه ربط و تشریک ایتک .

مخطوبه اولان قادینی ؛ ارکککک نکاح و ازدواجدن اول کورمسی قطعاً
 ممنوعدر . قضاوقدرک سوقیله بویله بر حال وقوعه‌کله‌جک اولورسه ارکککده قیزکده
 بدنام اولدینی کوندور . ارکک ، ادبسر ، قادین فاحشه عنوانه دهام او دقیقه‌دن
 اعتباراً کسب استحقاق ایدر . بیچاره ارکک ؛ قدر وطالعتک بلاقید وشرطمنوکلیدر .
 حیانه‌کی سعادت وفلاکتی ، ابون ویا اقارب ویا توسطلرک حسن ویا سؤا انتخابلرینه
 صیروطدر .

او ، زفاف آفشایی و اونندن صکره آجیله‌جق طالع پرده‌سنگ بدیع ویاخود
 فجیع منظره‌سینه البته بیوک خلجانلریله منتظر اولمغه محکومدر .
 تصادف ، کندیشی مسعود ایتش ایسه ایتش . ایتمه‌ش ایسه سعادتی فردای
 ابدی خسراه قالمش کیتمشدر .

معلومدرکه ، ازدواجک ، بو برخی صفحه‌سی زده‌کی طالعوی بدبختلرکک اکمهم
 بر حامل و مؤثریدر . طبیعه ، مزاجنه توافق ایتمین برقادینی ، ابدی حیات اورتاخی
 ایتکدن امتناع ایتک ، بر ارکککککک بیوک حق اولدینی کی کذاکک احوال
 روحیه‌سی امتدادلی اوله‌رق بش دقیقه اولسون ؛ وزندن کوزندن ، اوقومقدن

محروم قالان بر قادیكده هیچ بر صورتله سوه مدیکی برار ککه رفیقہ حیات اولمقدن امتناع ایتیمی قدر حقلی برشی تصور اولنه ماز .

هر ایکیمی ده حرکتلرنده معذوردرلر . چونکه ، اوده ، اوده مجهول بر ازارافه کیریشمشار و فیجده معقود علیی ، اوصاف خارجه سنه مطابق بولنه ما . مشر و بو صورتله مجهولیت بالطبع منازعه طرفینی مؤدی اولمش . بناء علیه ، عقل و طبیعت مقتضای حکمی اولهرق هر ایکیمک مجهولیت ایله برابر غبن فاحش بولنان بو عقدی فسخ ایتک خصوصنده کی حقاری منظامر بولونمشدر .

قانون ، بونی منع ایده جگمش ، حادثلر بونی زجر ایده جگمش ، وارسون ایستدیک قدر منع و زجر ایشین ، طبیعتک طالی و مطاع الاحکام قانونلری قوانین مکنوه و عادات غیر طبیعی احکامی دائماً فسخ ایتکله ممتازدر . شرع منیفمزک ، احکام قدسیه می معلومدرکه ؛ سراپا حکمت و طبیعت موافق ، احکام طالیه می ده بو اعتبار ایله الی الابد مطاع ؛ و فرمانبر اولق امتیازینه مظهردر .

ایشته ، هوا و هوسمز موافق اولیان احکامی شنیع ، شنیع عادتارمز ، کوره . نکلمزله اخلال ایستدیکمز ، موقع حکمدن اسقاط ایستدیکمز او شرع مالینک بر بندنده دخی : ارککک ، نعت ازدواجنه آلهجنی قیزی ، قبل الخطبه ، قبل الطلب کورومی استحباباً تجویز ایدلشددر .

اوت ، سوبلدیکم کی ایشمز کلین شرع منیف احکامی طدت و عنفنه لومزه اتباعاً بنسبه مه مک ، حتی بدعندر دیه تقبیح ایتک ؛ عصرلرک بزم مفکوره مزه بدلدشدر . دیکی فرائض اجتماعیه مزنددر .

شرع منیفمز ؛ ارککک ، آلاجنی قیزی ، دست ازدواجی اوزاقزدن اول کورومی مستحسندر دیور . مادامک ؛ الک مقدس قانونمز ، ازدواجک بو منطقی و طبعی اساس مقدمه سی تأسیس ایدیور . بو کوزل اساسی ، طائله وی ، هنضوی بر طاقم بی معنا تمصبلرله ییقمق جائزیدر ؟ اونی یقوبده بالتبیجه بر طائله نک آشیانه سعادتت زیر و زبر ایتک عفو اولونماز بر جنابت دگلیدر ؟

بی ، الی الابد سعادت و یاخود فلا کتیمی موجب اولهجنی رفیقہ حیاتی نهون ؟

و نه ایچون کورمک حقنه مالک اولیمیم ؟ بن ، بنی حیانتک طاتلیقلرینه و یاخود
آجیقلرینه آتہ جق اولان شریکه حیانتک آغاب و اختیارینی نه ایچون ؟ بشقلرینک
طبیعت و انتخابنه نرک ایدیم ..

بن ، کندی المله کندی اختیارمله طالع حیاتی تمین و احضار ایتلمی
قادیلمره ، بخش اولومغنی ایستدیکمز بر جوق حقوقه مقابل نهدن ؟ ارککله بو
اک بسیط اولان حقنی بخش ایتمکه تردد ایدلم .

ارکک ، زفافنه نامزد اولدینی قادینی کورمه لی ، کوریشمه لی ارکک مادی و
معنوی اوصاف و اخلاقی هیندن تدقیق و تبیع ایتلی ؛ قادین ده کذاک متقابلاً
تدقیقانه بولونمالی بعمده طرفین نتیجه قیاسلارینی کندی باشلرینه خلاسه ایتدکن صوکره
یکدیگرینه ، کوزل چرکین هر طبیقلرینی اکلاغلی ، نتیجه ده ؛ آرزو و انجذابیلر
تقابل ایدرسه رابطه حیاتلرینی کندی الاریله باغلاملی ؛ یوق ، بو طائیشمه و
اکلاشمه لر منفی بر نتیجه ویرمش ایسه متقابلاً استغای قصور ایله یکدیگرینه
سلامتار تمی ایدهرک بالاخره وقوعه بوله جق آجی افتراقلرک ، طاتلی بر وداع صو-
رتیه اوکنی المیدر .

بنم ، ازواجک شرعی و اجتماعی موضوع و غایه سندن آکلادیمغی مضای بودر .
یوقسه ابونیمک و یاخود اقارب و اودانک مجرد توصیه و انتخابله آله جقم قادین
ایله آره مزده کی دشته نکاحی - احوال روحیه متر تطابق ایتدکن طولایی - حل
ایتمکه کی حقم درکار اولدینی کبی زوجینی بالذات کندی آرزو و هوسیه انتخاب
ایتمش بر قادینک دخی بر جوق اسباب در میان ایدهرک زوجندن آیرلغی ایتمه مک
خصوصه کی حق ده پک طبیعی و بدیهیدر . چونکه هر ایکسندده حیات و حیانتک
سمادتلری لازمدر .

چورلو : آقسکی قاضی سابق

علامه الدین روحی

